

群書考索卷之一

後集

山 堂 先 生 章 俊 姫 編 輯
建 陽 知 縣 區 王 刊 行

○官制門

官勸

書名 群書考索後集六十五卷
正德十三年建陽劉氏慎獨書齋刊本

撰者 宋 章如愚 撰

卷 卷六十四

內容分類 子部·類書·彙考·宋

索書號 子部·類書 17

編號 C5930500

彩色首頁

東洋文化研究所漢籍目錄 編號: C5930500

東洋文化研究所漢籍目錄所藏漢籍善本文影像資料庫 索書號: 子部·類書 17

漢籍善本文影像資料庫文本 群書考索後集六十五卷 正德十三年建陽劉氏慎獨書

齋刊本

版權所有: 東京大學 東洋文化研究所

使用上的注意事項

唐官六	典云唐官數湖尚言云建官惟百鄭玄云夏官六十并屬官而言則皆有百
官二	官未聞其詳同道或皆六十并屬官而言則皆有百
夏官一	堂位曰有虞氏
官二	倍則當二百矣而鄭云百二十
內外文武官等	明堂位曰商官二百四十合依鄭說
萬二千六百七十五人	內二千六百四十三人外諸侯一千三百十二人
丞相凡十三萬二百八十五人	諸侯陪官數兼
內一千五百六十七人	諸侯州脚胥吏
外一千五百五十五人	外十二人
都計內	

東京大學文化研究所

No. 169

0 1 2 3 4 5 6 7 8 9 4
30 1 2 3 4 5 6 7 8 9 4
3

群書考索卷六十四

後集

山堂先生章俊卿編輯
木石山人劉弘毅校正

財賦門

內庫類

周內府掌受九貢九功之貨賄以待邦之大用凡四方之幣獻及良貨入焉周書

漢少府。應劭曰通典曰秦官漢因之是為九卿掌山海池澤之稅以給供養通典。少府號禁錢應劭曰禁錢以給私養自別為藏少者小也故曰少府。師古曰太司農供軍國之用。水衡。應劭曰水衡與少府皆天子私藏耳本紀

武帝時胡降者數萬人皆得厚養衣食仰給縣官縣官不給天子乃損膳鮮乘駙出御府錢以贍之。武庫兵器天下公用繕治造化皆度大

司農錢大司農錢自乘輿不以給供養勞賜一出少府宣帝本始二年春少水衡錢為平陵健民起第宅應劭注曰水衡與少府皆天子私藏耳縣官公作當仰給大司農今出水衡錢言宣帝即位為異政也

元帝王嘉上疏曰孝元皇帝奉承大業溫恭少欲都內錢四十萬萬水衡錢二十五萬萬少府錢十八萬萬。師古注曰言不費用故蓄積也漢書。大司農錢盡乃以少府禁錢續之賈捐之對曰臣切次往者羣言之暴師曾未一年兵出不踰千里費四十餘萬萬大司農錢盡廼以少府禁錢續之。師古曰少府錢王供天子故曰禁錢漢書本傳

後漢光武併禁錢掌於大農

章帝章和二年詔韋彪上大鴻臚印綬其遣太子舍人詣中藏府受賜錢二十萬。續漢志曰中藏府令一人秩六百石掌幣帛金錢貨物也

段熲傳賜額錢二十萬物中藏府調金錢絲物增助軍費

桓帝建和元年芝草生中黃藏府

中黃藏府掌中幣帛金

銀譜貨物色

唐自高祖太宗及高宗中宗睿宗未嘗置內庫殆至

明皇始設大盈瓊林二庫以貯四方貢獻。玄宗王缺為戶口色役使

歲進錢百億萬緡非租庸正額者積百寶大盈庫以供天子燕私食

肅宗至德後諸州四方貢獻悉入內庫權臣巧史因得旁緣公託進獻

私為賊盜者動萬萬計

楊炎傳

代宗呂溫代李侍郎謝用內庫錢充軍資表今月十三日面奉進旨其南郊賞設錢恐度支支計缺少以內庫錢充者表內有云陛下憐江淮甫罹旱曠念脅蜀水罷大兵雖經費有餘而聖慮尤軫頃因伏奏親奉德音悉擬出內府金錢御服絲繡約躬節用濟國贍軍充叶師和充虔

祀事

文苑

德宗舊制天下財賦皆入左藏庫而太府四時以數聞尚書比都覆出納舉無干欲及第五琦為度支鹽鐵使京師豪將求取無節琦不能禁乃悉租賦送大盈內庫天子以給取為便故不復出自是天下公賦為

人君私藏有私不得計羸少而宦官以窯名特薄者三百人奉給其間
根底連給不可動及炎為相言於帝曰財賦者邦國大本而生人之喉
命天下治亂重輕繫焉先朝權制以中人領其職五尺宦豎掌邦之柄
豐儉盈虛雖大臣不得知則無以計天下之利害陛下至德惟人是恤
參校蠹弊莫與斯甚臣請出之以歸有司度宮中經費一歲幾何量數
奉入不敢以缺如此然後可以議政惟陛下審察帝從之乃詔歲中裁
取以入大盈度支具數先聞詔曰凡財賦皆歸左藏庫一用舊式每歲
於數中量進三五十萬入大盈貲

德宗遭奉元之難乃於行宮先立二庫故陸贊極論其不可曰瓊林大
盈二庫自古無其制創自先帝自開元貴臣貪權飾巧求媚乃言郡國
貢賦所用蓋各區分統賦當付之有司以給經用貢獻宜歸之天子以
奉私求明皇悅之遂創二庫蕩心侈慾萌抵于茲陛下嗣位之初務遵
理道崇行儉約斥遠貪叨雖內藏舊庫未歸太府而諸方貢獻不入禁
闈金寇逆亂常鑾輿臨幸或觀二廊之下榜列二庫之名師旅方興賞

賚未行而諸道所貢遽創私庫萬目可觀孰能忍懷及參軍情咸生歎

望

德宗時裴延齡素不善財計取宿奸老吏以與謀因言左藏天下歲入
不訾耗登不可校請列別舍以檢盈虛於是以天下宿負八百萬緡析
為貯庫抽貫三百萬緡為賸庫樣物三十萬緡為季庫帛以素出以色
入者為月庫帝可之延齡傳

憲宗嘗曰官中用帛延皆籍其數人曰宮中用物極節儉多藏何為當
時內庫充實元和八年四月勅以錢重貨輕出內庫五十萬貫令兩
常平收市布帛每端延估加十之一會要元和十年詔出內庫繒絹五
十萬疋付左藏庫以供軍寶憲宗。元和十一年以內藏庫錢五十萬貫

出付度支供軍上同。元和之末田珙正入朝李絳請出內庫錢百五十
萬緡賜之左右宦臣多有阻格上以問絳絳曰使國家使五十萬兵取
六州其費豈止百五十萬乎上悅曰朕所以惡衣糲食蓄聚財貨正為
平定四方不然徒貯之府庫何為於是遣裴度以百五十萬賞之軍士

受賜歎聲如雷

考索後卷六十一

目錄

宋朝太祖初平諸國珍寶金帛填盈內府其後潭泉吳越相次獻地又平太原西川帑藏盈衍用度豐給建隆以來天下貢賦盡入左藏庫至乾德初府庫充盈。太祖嘗曰軍旅飢饉當預為之備不可臨事厚歎於人乃於講武後殿別為內庫以貯金帛編年。太祖別庫曰封椿庫每歲國用之餘皆入焉嘗詣近臣曰石晉割幽燕諸郡以歸契丹朕憫八州之民久陷夷虜矣蓄爾五百萬緡以贖山後諸郡寶訓

太宗興國二年正月命賈黃中程龍馮瓌掌左藏三庫先是貨帛與金帛通掌久儲蓄盈羨始命分之謂侍臣曰朕以涼德繼守洪圖凡機務邊事皆奉以先帝成規不敢有改易然財貨蓄盈勢須別置官吏使各專其職事同上。太平興國二年十月太宗命分左藏北庫為內藏庫內藏庫始於此帝謂左右曰朕置內庫蓋慮司計之臣不能節約異時開度有闕復當賦率於民朕終不以此自供嘗好也自乾德開寶以後至淳化二十年間有司歲貸內藏百萬有至三百餘萬者累歲不能償

淳化二年

間有司歲貸內藏百萬有至三百餘萬者累歲不能償

其籍。

興國三年內藏庫置在左臺門外又有西庫崇德殿隸焉常度

上一一計積供邦國之用諸司副使內侍為監官或置都監別有內侍一人點檢會要。興國三年上幸左藏庫視其儲積語宰相曰此金帛如

山用何能盡先帝每焦心勞慮以經費為念何其過也薛居正等聞上言皆喜於是左藏北庫為內藏庫以謂武殿後封椿庫屬焉改封椿庫

為景福內庫

長編

真宗咸平元年十一月上命三司史中外錢穀大數以聞鹽鐵使陳恕久而不進上命輔臣詰之怒曰天子富於春秋若見府庫充盈恐生侈心故不敢進也上聞而善之長編。真宗嘗幸景德殿庫開所積金帛謂

左右曰國家有天下每念四方之人輒賦不易比庫金帛雖多朕亦不敢私用自今非時取索並經三司出納五朝寶訓。景德四年出內藏錢五十萬貫付三司市糴麥時宰相言今歲豐稔糴麥甚賤為富民所蓄請官為歛糴以惠貧民。十月份內出龍圖閣待制陳彭年所撰內藏庫記

示王旦等

真宗曰自太祖以來有景福內庫先帝改為此名所貯金帛

備軍國之用非自奉也頃外庭不知耳二聖之平荆湖西蜀嶺表江左河東祀祠郊丘所費鉅萬皆出於是不求於民三司所假凡六千萬自淳化迄景德每歲多至三百萬少亦不下百萬累年不能償則命蠲除之昨令彭年作此以述其實上又曰此庫乃為計司備經費爾且計司有缺必取於民苟非節用何以獲濟寶○祥符元年內藏庫言舊制宣取物色皆降御寶憑由除破近因條約車務亦經由三司望再降詔旨令從之會○祥符二年皇城使提舉內藏庫劉承珪上新脩草簿詔獎之賜承珪馬及器幣帝謂宰臣曰承珪此簿述金帛自置庫以來出納年月給於周細深可獎也同

仁宗天聖三年言內藏庫言奉勅與三司商量舊例逐年內藏庫退錢三司今來每年更要錢三十萬貫今商量舊例若逐年供道退錢六十萬貫文准備支用即更不別作名目申奏乞降宣制撥借內庫錢帛勅令內藏庫每年自後去三司更不申奏乞於內藏庫指射撥借錢物如少有違其三司干於官吏並行朝典同○明道三年八月庚申以內藏

錢百萬賜三司初三司言自籍田後繼有賞賚以用度不足請假內庫錢上謂宰臣張士遜曰國家禁錢本無内外蓋以助經費也士遜曰不然有司不免侵剥民庶矣自是歲歉或調發則取內藏以濟之長編○仁宗嘗取龍圖閣延福宮金帛以佐三司支費謂晏殊曰藏之內庫不若行之有司以寬財賦又嘗曰內藏蓋累朝蓄聚以備非常今或外用既節而不絕內帑支取即與外庫糜費一同也寶○景祐元年出內藏庫綃二十萬下三司以淮南歲飢代本路上供綃也同○寶元元年元月出左藏庫錦綃綾羅百萬下陝西路市糴軍儲寶○寶元二年出內庫真珠估綃錢三十萬賜三司上諭輔臣曰此無用之物不若散之民收其直助糴邊儲亦可少紓吾民之歎也○奉宸五庫在延福宮內舊名宜聖殿五庫康定元年改今名仍鑄印給之掌內中所降金銀珍寶及舊出所藏秘庫內物會○康定元年合奉宸五庫為一庫在延福宮內舊名宜聖殿五庫一曰宜聖殿內庫二曰穆清殿庫三曰崇聖殿庫四曰崇聖殿受納真珠庫五曰崇聖殿樂器庫於是合五庫為一改名

奉宸仍鑄印給之通鑑。慶曆二年罷左藏月進錢千二百緡謂輔臣曰

此周官乃謂供王之好用者朕宮中無所費其斥以賜縣官長編。

慶曆

三年六月樞密副使韓琦上疏言祖宗置內藏庫蓋備水旱兵革之用

非私蓄財而充己欲也自用兵以來財用匱竭宜稍出金帛以佐邊用

民力寬而衆必安矣同上。

慶曆四年二月遣內侍齋奉宸庫銀三萬兩

下陝西傳糴穀麥以濟飢民寶訓。

皇祐二年閏十一月出內藏庫緝錢

四十萬緝綃六十萬下河北便糴糧草先是河朔頻年水灾朝廷蠲民

稅幾盡至秋禾稼將登而鎮定復大水並邊尤被其害上憂軍儲不給

故特出內庫錢帛助之同上。

皇祐二年出內藏庫五十萬下河北陝

西河東路以備軍賞通鑑。

皇祐四年出內藏庫錢三十萬緝綃十萬疋

下河北助糴軍糧同上。

嘉祐元年出內藏庫綃三十萬疋銀十萬餘兩

賑貸河北水灾州軍通鑑。

神宗熙寧元年十月乙卯詔永奉宸珠三千三百四十萬付河北四庫

易小之別封椿以備買馬長編。

二年上謂輔臣曰近見內藏庫籍文具

而已財貨出入畧無關防不袒時內藏財貨每千計用一牙錢記之名

物不同所用錢色亦異他人莫能曉也嘗匣而置之御閣以參驗帳籍

中定數晚年嘗出其錢示真宗曰善保此是矣今守藏內臣皆不曉帳

籍關防之法當更擇人領之即命勾當御院李舜舉代其不職者同上。

神宗有復幽燕之志即景福殿庫聚金帛為兵費更庫名制詩以揭之

凡三十二庫今日財計有三所內之庫天子財也南庫宰相財也戶

部天下財也元豐五年十月戊申朔壬申詔戶部左曹於京東淮浙

江湖福建十二路發常平錢八百萬緡元豐庫左藏庫內藏庫外又

有元豐庫雜儲諸司供餘錢自熙寧以前諸道榷酤場率以酬衙前之

陪備官費者至熙寧免役乃罷收酒場聽民增直以顧取其價以給衙

前時有坊場錢至元豐初法既久儲積贏溢司農請發坊場百萬緡輸

中都三年鑄於寺南作元豐庫貯之幾百楹凡錢帛之隸諸司非度支

所主戊之費益廣欲以待非常之用長編。

哲宗元祐十二月詔諸路元豐七年已有坊場免役寬剩錢除三路至

畱外諸路許畱一半餘召人入便隨宜置場和買可變轉物貨即不得預俵及分配與人戶其物貨遂旋計網起發於元豐庫送納內成都梓州利州三路於鳳翔府寄納封椿纊。元祐三年三月乙丑詔改元豐備邊河防及緩急支用元在榷貨務收它將舊司農寺等庫詔名元豐庫差監官同上

高宗紹興五年進呈川陝宣撫使盧法原奏乞將紹興四年以後上供錢帛依舊畱充贍軍上曰朕祖宗節儉內帑本以備邊陲緩急之用今方隅多故軍旅未息宜從法原所請趙鼎等曰陛下捐內帑以贍軍此帝王盛德之事也聖政紹興二十八年上曰朕平時無妄費內庫所積正所以備水旱爾同上紹興二十九年五月已未進呈次因及内外儲蓄事上曰比緣河流淺澗綱運稽緩已令內帑支降錢五百萬貫以供調度朕自息兵講好二十年間所積錢物豈以自奉哉蓋欲備不時之須免臨時科取重擾民爾卿等可令戶部會計舊歲經常之費量入為

出而善藏其餘自非飢饉師旅勿得妄有變動

編

紹興三十一年丙午進呈屯戍兵料暴露日久欲再加賞犒上曰令所在總領所撥給具

數以聞今徵內帑給還後二日進呈賞犒事上曰朕曩於內帑儲備用錢士大夫不渝朕意者至指為瓊林大盈之比頤朕雖積此亦何嘗妄費一錢向來撥一萬緡付分府而近日遣發軍馬又諸處犒設皆於是乎出豈不正資今日之用况方用兵國則亦須得人經理士大夫耻言財利多事之時艱於遺任亦今時之一病也宰臣陳康伯等曰誠如聖訓。臣雋曰太上皇帝與鄰國講好二十餘年使命往來無纖介之隙而乃以內帑儲備邊錢一毫不敢妄費是其心未嘗斯須忘患也既行亮叛盟師興財費而無橫賦重歛以及民非聖慮深遠疇克哉璽

貢獻

庚辰附

禹別九州以任土貢

周設九貢以致邦賦見故王者取其樂輸責其地之所有不求其所無漢高祖十一年詔曰今獻未有程式或多賦以為獻民疾之甚令諸侯

王通侯常以十月朝獻及郡各以口數率人歲六十三錢以給獻費通鑑本文帝時有獻千里馬者詔曰鸞旗在前屬車在後朕乘千里馬獨先安之於是還馬與道里費詔其令四方無來獻

唐高祖時孫伏伽上言陛下即位之明日有獻鷗若不却獻琵琶獻弓矢並被賚賞以率土之衆何索不致豈少物哉唐史

太宗正觀州府歲市土所出為貢其價視綸之二下無過於五十疋異物滋味名馬駕大非有詔不獻加配則以代租賦孔戣以朔州歲貢淡菜蚶蛤自海抵京師役四十三萬人奏罷之嶺南節度使死帝曰嘗論蚶菜者誰歟詔即拜之。貞觀中李太亮為涼州都督有臺使見名駕諷太亮獻之太亮密表太宗報書曰有臣如此朕何憂

玄宗時姚崇要帝十事曰臣願租賦外一絕貢獻可乎。羨餘之貢古

未有之也元宗時天子橫賜無節州鎮各有進奉於是權臣求媚以謂此乃天子私財遂別為瓊林大盈二庫以貯之羨餘之端實兆於此

代宗時天子誕日諸道爭以侈靡奏狀常交讐言漢文帝還千里馬不

用晉武帝焚雉頭裘宋高祖碎琥珀是三者非有聰明大聖以致安謾身率不而已今諸道饋獻皆滯侈不急而節度使刺史非能男耕而女織者類出於民是歛怨以媚上也請皆還之代宗嘉納本

德宗徙幸梁道有獻瓜菓者帝嘉其意欲授以官陸贊諫曰爵位天下公器不可輕也

德宗遭奉天之難財用窘乏還宮以來專意聚斂藩鎮多以進奉市恩皆六稅外萬一用度羨乏然或割畝常賦或增歛百姓或減列利祿或販鬻菜菓往往私自入已所連者什一二劍南西川節度使韋皋有日進江西觀察吏季兼有月進淮南節度使杜亞等皆徵射恩澤以常賦入貢名為奉餘至代易又有進奉常州刺史裴肅鬻薪炭紙為進奉得遷浙東觀察使刺史進奉日肅始也劉蕡卒于宣州其判官嚴綬領軍府為進奉召為刑部員外郎判官進奉自綬始也

順宗即位乃罷月進

憲宗又罷除官受代進奉。

憲宗嘗罷進奉及李錡既平節度于頓王

鍔進獻甚厚李絳嘗諫帝喟然曰誠非至德事然兩河貢賦久發不忍重斂於人也然不知貢獻取於人重矣於是度支鹽鐵與諸道貢獻尤甚號助軍錢及賊平則有賀禮及助賞設物群臣上尊號又有獻賀物至穆宗一切罷之通典及唐史。憲宗問李絳曰卿何獨無進羨餘對曰守

士之官厚斂以市私恩天下猶非之況戶部皆陛下有廩之物安得羨餘若左藏移之內藏猶東庫移之西庫也上嘉之。憲皇帝王播為鹽鐵使事月進李絳曰比禁天下正賦外不得有他獻而播妄名羨餘不出祿廩家貲願悉付有司帝曰善記絳在位獻不入禁中本傳

宋朝太祖乾德四年四月詔曰出納之客謂之有司倘規致於羨餘必深務於招克。知光化軍張全操上言三司今諸處場院主吏有羨餘粟及萬石芻五萬束以上者上其名請行賞典此苟非倍加民租私減軍食亦何以致之宜追寢其事勿復頒行除官所定耗外嚴加止絕詔天下勿復以駕大來獻。太宗詔罷江南歲貢止絕之

真宗諸州歲貢新添三十餘處詔悉罷之。高審文同判廣州將辭上

戒之曰退方

一地均在安民若以海小珍奇貢獻非朕意也

讀○真宗

交州尚牧獸白御馬一疋上曰無名進貢何所用亟還之

咸平元年

詔監倉官不得以羨餘為獻上曰倉庫多取出羨以為勞績若非受納之際剩收即是出給之用減尅。咸平五年二月詔有司裕廩者多收羨餘以為課績蓋出納之際有所重輕此可責而不可獎也宜令有司嚴加戒勸無使復然張符八年四月詔曰自我京畿達於

淮泗倉庾相望轉輸至多若無損增之欺寧有羨餘之積俾均出納以便公私應所收羨餘並不理為勞績張符九年河北轉運使李士衡獻助南郊綃布六十萬疋錢二十萬貫且言六十萬皆合上供者餘二十萬即本州羨餘請遣使臣起發先是每有大禮士衡必以所部供軍物為貢通鑑

仁宗朝范鎮言國家自陝西用兵以來賦役煩重轉運使復於常賦外進羨錢以助南郊此皆貪政張符。天聖三年湖南轉運使王達多為聚斂率部內得督里正命押錄錢三十餘萬為羨上曰使人無効百姓何

以爲生乎乃詔取常賦外歛民以違制論。天聖四年乾元節

知寧州楊及遣吏齎綉佛來獻上謂輔臣曰及佞人也民安政舉乃守

臣之職焉用此何爲令邸重還之贍。

天聖六年詔溫鼎廣等州歲

貢樹無得以貢餘爲名餉遺近臣入罷永興咸陽民元守亮家歲貢梨

稅已是太平之賦又令加耗謂之潤官臣恐諸路轉運使尚有似此無

名刻削陛下閱其奏目或有橫加收歛名爲出剩乞賜黜貶使民知陛下之意上覽之曰古稱聚歛之臣過於盜賊今如此掊歛與朕結怨於

民也亟下詔止絕之。長。皇祐元年能廣州歲貢蜜菓。寶。皇祐五年

閏七月李師中爲淮南轉運使入辭上謂曰比聞諸路轉運使冬以來餘以希進狀遇灾傷不免暴取于民此朕所以不取也其戒之。長。

神宗即位出諸州貢物名件手詔曰四方入貢雖云古禮考之禹制未有若茲之繁也又所貢物多飲食之類缺之亦無害也自今其悉罷之。同。

徽宗崇寧四年七月初樞密直學士梁子美爲河北轉運使。崔便建三郡都倉儲粟二十萬斛且傾漕計以市寵至用三百萬緡貨北珠以運於是契丹唐女真捕海東青以求珠女真不勝其求而叛時子美在部五年矣。辛外召爲戶部尚書。崇寧四年十月。蔡攸。修者。史。補者。運發運使首以羨餘進者。崇寧間自梁子美胡師文於監司郡守不待詔命首以王物進者。政和間自盛章宋昇始也。

高宗紹興元年十二月御劄朕惟尔本實在斯民比緣盜賊繹騷而元元之民肝腦塗地故選命車徒焉憇緣軍須不得已而取於民者務在均敷其率先應辦更无宜省察勿令寅緣爲奸若實盡公竭力臣不加擾者當重寘賞典可檢會先降旗見科催合出印榜開具所利寔對於前次列戶口等第每名當若干勿取羨餘而使斯民重苦仍揭榜曉諭使民知朕意。紹興二年二月。欽中侍御史江躋劄子奏前知明州吳懋輒有所獻踰五萬緡切恐朝廷受之無名將何以示天下倘或小人觀望爭相效尤殘民以爲已利其患有不可勝言者欲望斥還懋所獻

錢仍加黜罰少寬民力詔其減委自憲臣勘當如例科歛即仰給還候勘當列具懲取旨施行後有旨是懲降兩官職。紹興三年知藤州候

彭老奏措置到本州寬剩錢一萬貫文省買到金一百六十六兩銀一千八百兩謹以發准併助行在大軍支用次望特降處旨下有司交納

詔縱有寬剩自合歸之有司非守臣所當進納或恐亂有刻剥取媚朝廷

廷候彭老可特降一官放罷以懲妄作所進之物退還臣等曰人君頗

笑道以風動天下況可因利以導臣下乎剥民奉上以為進身之階非

牧民者所宜為也一人為之四方效之斯民將不聊生矣罪一人以為

天下戒使億兆之衆安於田里而無愁歎之聲其為國之利也豈止半

萬錢乎。紹興二十一年十二月辛巳進呈御筆批下安豐軍進減

鮓白魚不欲以口腹勞人令自今罷進上曰去年已降指揮罷溫州

柑橘福建貢荔枝獨鰐鮓淮甸未罷此皆朕祖宗歲貢之物朕恐勞百姓

所以再降指揮。紹興二十三年十二月下酉上曰舶司及都大采

馬司諸處准貢真珠文犀等此物何所用當批出禁止。紹興二十

七年二月宣諭宰相沈旣曰頃年川蜀製造錦綺幣幕以充歲貢雖不足

民幼女亦追呼以供役作其擾民如此朕不欲上木被文統皆止絕之

。紹興三十年十一月丙申進呈福建漕臣王時升欲以遵節到浮費

錢三十萬貫撥十五萬貫代州縣二十五年至二十八年積下舊欠鈔

鹽錢恐合旌賞上曰漕臣能節約妄用而百姓則久理宜激勸然未可

遽行恐他路聞之妄認以為羨餘侵魚百姓僥覬恩賞徐俟其政績有

聞與陞職名可也。聖

孝宗隆興元年十二月癸未詔諸路州軍歲起上供錢物例有拖欠監

司郡守却以羨餘進獻澆冒賞典可令戶部行下諸路州軍諸路上供

錢物須管依限起發數定如數目未足輸行率欽進獻仰本部按劾以

聞。史臣曰

郡國之財歲有常計川竭而谷盡丘夷而淵實不在此則

在彼耳諸州逋負上供而監司守臣以羨餘造執欺君罔民徼寵幸賞

述其用心真小人之雜也聖明灼知申勅禁戢彼雖貪黷亡耻亦豈不知懼哉。乾道三年臣僚劄子多為科目以取之錄積寸累謂之羨

餘欵乞先考其見在錢物虛之與實次考其上供常數足與不足奉聖旨依。又劄子有常賦僅足支遣不取於民安從所出不過重歛苟米倍稅商賈至有指新稅以為餘錢指積逋以與州郡奏聖旨依。乾道五年九月丙寅起居郎林機諭諸郡守臣次郡計辦集而不恤縣道之匱乏致使橫歛及民上曰甚不體朕寬恤之意且如稅賦太重朕欲除減但有所未及當次第為之機又奏曰諸處有羨餘之獻皆移東易西以求恩倅願陛下察之上曰所言甚當今日之財賦豈得有餘今後若有獻朕當却之聖。乾道九年三月乙巳侍御史蘇旣奏伏覩關報廣

南提舉官廖顥劄子廣州都鹽倉有積下不盡鹽本銀計實十一萬一千四百五十四貫文椿積在庫別無支遣又點檢得本路諸州府逐年拘催常平諸色窠名錢物內有見在寬剩五萬貫欲行起發少取朝廷經費奉聖旨依並令赴南庫送納者臣切謂陛下即位以來屢却羨餘之獻故近年監司州郡稍知遵守此盛德之事書立史冊足以為萬世法而小人急於自進不能革心特以一二嘗試朝廷只緣乾道七年據

舉官章潭獻于二十萬貫以此特轉一官不及期年擢為廣西運判參顯實繼其後故到官未幾便為此舉其為愚弄朝廷莫此為甚訪聞此錢並繫鹽本錢潭到任時尚有三四十萬緡皆是前官累政差問不敢妄用潭取其半以獻今顥所獻止十一萬緡已是竭潭所餘無幾顥年歲間必須別得差遣而去後人何以為繼異時課煩不登誰將任其咎者今淮南浙西其事已自可見兼此錢本是朝廷錢物椿在州郡者豈必獻之內帑然後為富所謂移東草賣西庫何以異此欲望特降鑿旨却而不受耶以此錢付之本司依舊充鹽本錢常平寬剩錢亦乞椿畧本路為水旱賑貸之備使四方之人知陛下捐利子民之意詔從之。

史臣曰羨餘之弊上欺人主下蠹生民非難知者而小人屢敢以是進宣非謂利之可動人歎記曰與其有聚歛之臣寧有盜臣此謂國不以利為利以義為利也孟軻曰亦有仁義而已矣何必曰利陸贊曰理天下者以義為本以利為末以人為本以財為末誠使義利之說明於上則奸罔之徒何自乘間耶壽皇諭臣僚捐利之請却椿積寬剩之獻而

不受所以正君德清化原警更治者至矣聖政。

淳熙

五年四月辛未知

紹興府張津奏本府支用已是寬餘尚有剩錢四十萬貫起發應副御

前臣賞支用詔令紹興府將張津所獻錢為人戶代納今年和買身丁

之半仍令本府印給文榜遍下諸縣鄉村曉諭通知人戶今年已多納折帛錢在官與理充來年憑輸之數務要實惠均濟即不得因而重疊

別作名色搔擾如稍有違戾許人戶徑詣尚書省陳訴。

史臣曰乾道

五年臣僚嘗言諸州所獻羨餘類皆移東易西以覬恩倅聖訓有曰今日財賦安得有餘自今若有此獻朕當却之至是張津猶以羨餘四十萬緡來則壽皇聖帝卻而不受復俾為民代輸以其所歛之民者還以畀民豈惟知所取予而示之好惡其所以警厲臣工風動中外者亦宏矣臣故特著于篇。

聖政。

淳熙劄手言諸州縣與監司每歲修貢天申聖

節銀并大禮銀綃依條諸路自令以繫省錢監司以本司錢昨來州利諸縣監司科州開併起發乞戒州郡不得準前下諸縣科歛百姓又提刑素所入不多諸路監司除提刑司且令州郡依舊代發外其轉運茶

鹽兩司各自抱起一半以餘諸州權且與照例發納亦不得科取於民

四夷方貢

周武王西旅獻獒書。周公居攝越裳氏重譯獻白雉史記

漢武帝南越獻駒象能言鳥

宣帝九真獻奇獸並本傳

宋朝太宗夏州趙保忠獻鶻號海東青上曰朕父罷畋遊無事此也保忠時出捕獵今當還賜之

真宗交州進馴羣上曰此羣遠來深違物性朕將還之

天闔國去京師之西九千九百餘里西南帶葱嶺與婆羅門接相去三千餘里南接吐蕃西北至疎勒。自漢至唐皆入貢中國。晉天

福中李聖天自稱唐之宗屬遣使入貢。

宋朝太祖建隆二年國王

遣使來貢王圭一以玉匣盛玉枕一自是屢來朝貢十二月甲午

乾德四年李聖天並貢物。開寶四年國僧吉祥以其王書來上自言破疎勒得舞象欲以為貢從之。

真宗祥符二年三月己巳國主

黑韓王遣回鶻羅斯溫等以方物來貢斯溫跪奏曰臣萬里來朝獲見天日願聖人萬歲與遠蕃作主。仁宗天聖三年十二月壬子遣使來貢方物。神宗元豐六年五月丙子貢方物見于延和殿八年十一月壬寅進馬賜錢百二十萬。哲宗元祐四年五月丁酉遣使李養生阿點魏哥已下續貢珠玉象牙珊瑚藥物等五年二月丙辰遣使來貢方物

三佛齊國蓋南蠻之別種也與占城為鄰。唐天祐中嘗來貢物。國朝太祖建隆元年九月癸卯王悉利大霞至禮二年五月乙丑三年三月壬戌十一月丙子國王釋利耶。開寶三年四月丁卯七年三月乙丑八年十二月戊辰並遣使來貢方物。太宗興國八年十一月壬申。雍熙二年二月己亥並遣使來貢。真宗咸平六年九月庚寅祥符元年七月丁丑天禧三年四月庚午國王霞連蘇物叱蒲迷遣使來貢。仁宗天聖六年八月初五國王室離疊輦遣使蒲押陀羅歌及加盧等來貢方物。哲宗元祐三年十二月甲申貢人即將五年十二月乙未遣使入貢。紹聖二年三月丁巳遣使入貢

請少金蓮花一十五兩真珠五兩龍船一十兩依例撒殿從之正月庚辰進奉副使胡仙為歸德即將進奉判官他華加羅為保即將五年十二月乙未遣使入貢。清端國在海口與占城國接。真宗咸平六年其王陵。景德元年五月甲申四年六月丁未祥符四年二月辛酉並遣使來貢又式崑崙奴一上閏其異俗離去鄉土命還之五月丁亥又遣使來貢方物以金板鐫所上表辭

占城國在中國之西南與交州接境汎海交州兩日程陸行半日程汎海至廣州半月程其國前代與中國通。周顯德中其王釋利用德漫嘗遣使來貢。國朝太祖建隆元年十二月壬辰國王釋利因答蠻二年正月庚子三年九月丙子並遣使來貢方物。開寶元年四月甲辰五年二月辛未國王波羨稅遣臣蒲訶散六年六月辛卯並遣使貢物。太宗興國二年二月丁未三年五月乙未四年十二月丁未七年閏十二月庚寅遣使乘象來貢方物八年九月丙子遣

使貢駒象。雍熙二年二月己亥三年三月庚寅。淳化三年十二月己卯國王楊陀拏遣使李良甫。至道元年正月戊午又遣使李波珠並來貢方物。真宗咸平二年二月辛亥其國王楊普俱此奉遜施離遣使先堯副使蒲薩施婆等以革象玳瑁香藥來貢。景德元年九月己酉四年五月癸卯並遣使來貢。祥符元年十月以方物迎獻道左。二年四月甲寅四年十一月庚午八年二月癸丑並遣使來貢五月乙酉遣使婆輪阿羅來貢。天禧三年九月乙丑國王刀哩拏摩牒遣使羅笈帝加等以方物來貢。

定安國本馬韓之種。宋朝太祖太宗因女真侵附表獻貢。淳化二年以後文至

日本國倭也。宋朝太宗興國五年日本國有寺僧及其徒五六人來。景德六年其國天台山延歷寺僧寂照等八人來朝貢佛像經等物。祥符二年其國僧覺因等三人來

注肇國自古不通中國水行至廣州。

真宗祥符八年九月己酉

王羅茶羅年遣使婆里三文等來貢真珠衫帽各一及真珠象牙
藥等先是船舶抵其國告以天子東封西祀真王曰十年來海無
風濤古老傳云如此則中國有聖人故遣使入朝其使者又以盤捧
真珠碧玻瓈升殿布於御座前降殿再拜譯者道其言曰願以表達
人慕化之意。天禧四年二月乙酉廣州言注肇國遣使入貢方物
其使者至州死以其表來上詔本州宴犒其部下賜器幣繕錢遣之
○仁宗明道二年十月甲寅國王戶羅茶印陀羅遣使蒲押陀離等
以泥金表進真珠衫帽及真珠一百五兩象牙百株陀離自言數朝
貢而海風破船不達。神宗熙寧十年壬午國貢方物其使以金蓮
花盛真珠龍腦登階跪望御座而散之謂之撒殿

女真國渤海之別種也。唐正觀中靺鞨來朝。宋朝太祖建隆朝貢不絕建隆二年八月辛亥國遣使溫突刺來貢名馬三年正月庚辰遣使只骨來貢。乾德元年遣使來貢方物八月癸巳九月戊辰並遣使貢名馬。開寶三年九月丙辰登州言女真國遣使入朝定

安國王烈萬華附表貢方物六年十二月庚子遣使貢方物

大食國本波斯之別種也。

隋大業中有波斯紺合王命據波斯國

之西境自立為王其王姓大食。

唐朝屢來朝貢其王益盆泥未接

之前謂之白衣大食何蒲羅披後謂之黑衣大食。

宋朝太祖開寶

元年遣使貢方物自是貢奉商船往來不已四年七月庚子六年三

月癸未七年十一月壬寅八年三月壬寅並遣使來貢。

太宗興國

二年四月辛卯遣使來貢。

至道元年二月乙丑船主蒲押陁黎以

方物來貢。

真宗咸平六年九月壬辰遣使來貢方物及紅鸚鵡其

國在海上與名城相接自是始通也。

景德四年五月癸卯遣使來

貢。

祥符元年十月丁未國使以方物迎獻道左蕃客李麻笏獻王

圭長一尺二寸自言五代祖得自西天屈長者傳云謹守此俟中國

聖君行封禪禮即馳貢之。哲宗元祐三年十一月丁卯大食國羅

拔國遣使入貢七年五月丙午廣州進大食國進奉火浣布二匹十

段詔寘之瑞物閣

高麗國○後唐長興中遣使貢獻。

宋朝太祖建隆三年國王昭

太宗興國三年十月甲寅國王仙十二月辛巳國王仙遣其子元贊

六年四月丙戌七年九月癸丑。

雍熙元年十一月壬子國王治遣使韓延齡三年十月壬子

淳化元年十一月甲申

端拱元年十一月甲申

太宗咸平六年八月丙戌國王詢遣使李宣古。祥

符七年誦卒弟詢十二月丁卯權知國事工詢遣奏告使尹鑑古及

女真將軍大千機已不並來貢方物八年十一月癸酉進奉奏告奏復

御事民官侍郎郭元與東女真首領阿盧太來貢。

天禧三年九月

辛巳登州言高麗遣禮賓卿崔元信五年國王詢並遣使來貢。

哲宗元祐五年乙未遣使貢方物

交趾國本南城之地。

唐交州總管也至德宗改安南都護州。梁正

明中土豪曲承美專有地送款於梁帝因授承美節鉞。

國朝乾

德初交州帥號天聖王私署連為節度使自開寶以來皆受朝廷爵

命貢奉不絕。開寶六年五月甲寅連遣使朝貢戊寅封璫靜海節

度八年又遣使朝貢謝恩。太宗興國五年黎桓遣使以丁璗為名

獻方物十一月朔黎桓遣牙校江巨煌王詔祚八年五月庚午黎桓

遣牙史趙子愛九月丁卯交州黎桓遣使。雍熙二年二月甲申三

年九月癸巳權交州三使番後黎桓並遣使貢物。淳化五年三月

乙亥交趾郡王黎桓遣使貢物。真宗咸平元年九月癸亥黎桓獻

馴象四。景德元年六月甲子黎桓遣子攝驩州刺史明提三年桓

死四年八月乙丑黎龍廷遣其弟來貢賜峯州刺史明祖跋中丞黃

成雅等來貢辛巳授龍延靜海節度使交趾郡王賜名至忠又封黎

桓為南越王。祥符二年十二月癸未交州黎至忠遣使來貢并獻

馴犀一上以犀違土性不可豢畜欲拒而不納又慮逆至忠意俟其

使還乃令縱之三年三月壬辰李公蘊遣使入貢封交趾郡王五年

四月戊申七年八月己巳並遣使貢方物。乾興元年四月丙寅李

公蘊遣使貢方物。仁宗天聖五年十月癸巳南平王李公蘊遣

驩州刺史李公顯來貢方物。慶曆三年三月乙亥交州獻馴象五

龜茲國回鶻之別種也其國王自稱師子王或稱西川回鶻或稱西

州龜茲又稱歸茲回鶻其實一也初回鶻西奔族種散處故井州有

可汗王西州有充韓王新復州有黑韓王皆其後也。宋朝大宋興

國九年西州龜茲遣使來貢自是可汗王充韓皆遣使貢良玉名馬

橐駝大尾白羊乳香等物至今不絕。會真宗咸平四年十一月甲

午龜茲國遣使來朝貢。祥符二年二月己未龜茲國遣使貢物六

年十一月乙卯龜茲進奉使李延慶等三十六人對于長春殿獻名

弓箭鞍勒園玉香藥等。天禧元年四月甲午龜茲國遣韓王智海

遣使張延來貢四年十二月丁亥龜茲可汗王智海甘州回鶻各遣

使來貢智海仍貢大尾羊二。乾興元年五月丙申龜茲國僧華嚴

自西天以佛骨舍利梵書來獻。仁宗天聖二年三月癸巳智海遣

使來貢七年六月戊申龜茲國遣使來貢九年正月己未龜茲國沙

州並遣人貢物。皇祐四年正月癸巳龜茲國沙州並遣人貢物

高昌國

○漢車師前王之地也有高昌城取其地勢高敞人民昌盛

以其名焉。

○後魏初闢伯周為高昌王。

唐正觀中侯君集平其國

北領城池為西州安史之亂其地陷沒乃復為國語訛亦云高敞然

地頗有回鶻故亦謂之回鶻。

宋朝建隆三年四月庚子西川回鶻

阿督等來貢。

乾德中

西州回鶻可汗去淵貢辟支佛牙琉璃器物

玉盞琥珀盃。

太宗興國六年三月丁巳高昌國王阿廝蘭漢始自

州外生師子王遣都督麥索溫來貢雍熙元年五月丙子西州回鶻與波斯外道各遣使來貢。

真宗咸平四年四月丙辰西州回鶻可汗王錄勝遣使曹方通來貢王鞍勒名馬寶器等物

西州回紇

○宋真宗景德元年五月壬寅六月戊辰西州回紇遣使

金延福並來貢

甘州回鶻

甘州可汗夜落紇

○宋真宗咸平元年四月丁酉甘州回

鶻可汗遣僧法勝貢物

景德元年閏九月己未甘州回鶻遣使貢

物四年十月戊午甘州回鶻可汗夜落紇遣尼法仙等來朝獻馬十

匹尋又遣僧翟大柰來貢馬十五匹。

祥符元年十一月己巳甘州

回鶻可汗夜落紇寶物公主及其宰相不遣使來貢賀東封也

三年十一月乙未甘州回鶻夜落紇遣左溫宰相何居祿越樞密使翟符

守榮來貢四年二月辛酉甘州回鶻蒲端三麻蘭勿巡蒲婆羅大食

國吐蕃諸族並遣使來貢五年五月乙亥甘州回鶻可汗夜落紇寶

物公主遣使來貢六年十二月庚申回鶻可汗夜落紇遣使來貢。

天禧二年正月丙寅甘州回鶻可汗王夜落陽歸化遣使入貢。

仁宗天

來貢四年三月庚申甘州回鶻可汗王夜落陽歸順遣使貢物五年八

月壬辰六年二月庚辰甘州可汗王寶國夜落陽並遣使貢物

甘州回紇

○宋仁宗天聖二年五月庚子甘州回紇可汗王遣使貢

物

回鶻可汗

○宋太祖建隆二年十二月壬辰回鶻可汗景瓊遣使貢

物自是甘州回鶻貢良馬羨玉珊瑚琥珀之類不絕

沙州回鶻。

太宗興國五年閏三月辛未來貢物

奉州回鶻。真宗祥符四年四月癸丑奉州回鶻安家等貢玉帶賀

汾陰禮畢

西南蕃

漢鮮卑郡地唐置費珍莊琰播印鮮夷州王建徙西州由是

不通中國。

後唐天成二年鮮卑莊宗朝亦嘗朝貢其後孟知祥鎮

蜀復不通朝貢。

宋太祖開寶八年八月壬戌西南蕃三十九部順

化王子巖廢等三十七人來貢馬及丹砂。

太宗興國五年八月甲

戊西南蕃王龍瓊琚遣其子羅若從弁諸州蠻七百三十

四人以方物名馬來貢。

雍熙三年八月癸巳西南蕃奉化王子以慈等三百

五十人來貢九月己未西南蕃王龍漢璽自稱權南寧州事兼蕃落

使遣鮮卑諸州酋長趙文橋等率種族百餘人來獻方物名馬。

景德二年四月辛未西南蕃主龍漢璽又貽書五溪都統向通漢約入

貢。

淳化三年八月庚午西南蕃王龍漢璽遣使龍光進率鮮卑諸

馬來貢三年九月乙卯十二月戊子西南蕃並遣使以名馬方物

貢。

至道元年丙子西南蕃王龍漢璽遣使龍光進率鮮卑諸

蠻來貢。

真宗咸平元年九月壬申西南蕃王龍漢璽遣使龍光

辨并率鮮卑諸蠻千餘人來貢五年四月戊戌西南蕃王龍漢璽遣使

來貢。

祥符二年八月甲辰西南蕃王龍漢璽遣使貢物六年八月

戊子宜州西南蕃都部署龍光進等千五百人來貢。

天禧四年七月庚戌西南蕃千三百人來貢。

仁宗天聖四年九月乙卯西南蕃

王龍光洗遣使來貢。

景祐三年十一月甲午西南蕃遣龍光辨等

來貢。

英宗治平四年十二月癸丑西南蕃來貢。

元豐十年十

月丙申西南石番采貢。

孝宗乾道四年西南夷首領兼霸州刺史

董高等上言乞內附自是頗遣使入朝授以真命

西涼府六谷首領斯鐸

即涼州也自唐末陷河西之地雖為吐蕃

所隔然其地亦自置牧守或請命於中朝。

天成中權知西涼府畱

後孫超遣大將拓拔承誨來朝明宗召見。

後漢乾祐初超卒土人

折讜嘉權知畱後事遣使來貢。

宋朝太祖開寶六年涼州令涉奏

官僧各擅聲逋勝觸二人求通於涇州以申朝貢。太宗淳化二年
涼川復帥來請詔以殿直丁惟清領州事其後丁惟清陷于李繼遷
不復命帥真宗咸平四年李繼和言潘羅支願戮力討繼遷潘羅支
既卒六谷首領議立羅支弟斯鐸督為一境折伏朝廷遂以為西涼
府六谷都大首領西平郡開國侯五年十一月甲午六谷首領潘羅
支遣使來貢馬五千疋詔賜給其直別賜絲百匹茶百斤仍宴犒其
部族。景德二年二月丙戌西涼府六谷首領斯鐸遣其甥河昔
來貢三年五月壬寅遣其安化郎將路黎奴十二月壬午遣使四年
五月丙辰遣六谷十八首領十二月丁巳並遣使貢物。祥符元年
十二月己酉遣使貢馬二年二月戊戌遣使十一月壬戌遣使四年
十月己巳遣心蘭擅單並來貢賜紫方袍五年十一月辛酉遣其子
七年四月丁巳遣使八年五月丁未遣使並來貢。

涼州蕃。宋太宗至道元年正月丁巳涼州蕃當尊以良馬來貢又

鎮戎軍言涼州軍寧州首領唱鄰半冗歸附。宋真宗咸平四年閏

十二月戊子仍貢名馬

西涼府及咩逋族。宋真宗咸平五年十二月己巳來貢

西涼府者龍族都首領。宋真宗咸平六年八月庚午遣使以貢名
馬

西涼府龕谷蠻家宗家者龍當宗章述等十族。宋真宗景德元年
正月丙申並來貢物

西涼府吐蕃毒石鷄等。宋真宗祥符四年三月丙申來貢

土蕃本漢西戎之地或云南涼禿髮利鹿孤之後以禿髮為國號語
訛謂之吐蕃。唐至德後因安史之亂遂陷河西隴右之地。宋朝

真宗祥符三年其國宰相諭恐熱以奉原安樂及石門等土闢來歸
四年又克成雞扶二州五年其國沙州刺史張義潮以瓜沙伊肅十
一州來獻唐末瓜沙之地復為所據然而其國亦自衰弱族種分散
大者千家小者百家無復一統矣。自儀渭涇原環慶各鎮戎秦州
既與靈夏皆有之各有領首內屬者謂之熟戶餘謂之生戶自建隆

以後其部族內附者甚衆朝廷授首領以官。太宗興國八年九月

庚子以馬來獻

宗哥族嘯斷川族

二族最盛

真宗祥符元年十一月壬申八年二

月甲寅九年正月乙丑

天禧元年九月丁未並貢名馬三年二月

丁酉遣使來貢。仁宗天聖元年二月戊戌歲一入貢二年十二月

庚午景德四年十一月癸亥寶元二年三月甲寅並遣使來貢方物

印部川蠻

居漢越雋郡之地其酋長自稱百蠻都鬼主。

宋朝太祖

開寶二年其王季入貢。太宗興國四年八月丙子雍熙二年十月

甲寅瑞

瑞二年九月壬午諸驅遣王子少蓋等並以方物良馬來貢

○真宗咸平五年八月戊子景德二年九月丁未阿遵遣使

祥符元年十月戊

年九月辛未九年九月壬戌黎吹遣使。仁宗天聖八年十一月戊

午黎在遣使並以方物來貢。明道元年三月丁酉黎在三歲一入

貢。景祐元年閏六月庚午五歲一入貢

黎州山後兩林蠻皆西南夷之別種也其酋長號都鬼主或云王子次曰大鬼主。

後唐天祐

常遣其大鬼主來貢。宋朝開寶二年子勿兒部落將軍離魚以狀白黎州求入朝貢詔荅之使至賜以器帛自是朝貢不絕八年七月

己亥及太宗興國四年九月癸卯淳化元年十二月甲寅並貢方

物名馬

風毛蠻在建昌城三山上。真宗咸平元年其主曩婆遣使馬怡來

貢○景德三年又來貢

雅州蠻

西山野川路亦西南夷之別種也。宋朝太宗興國三年正

月甲午首領馬令膜等朝貢

保塞蠻

在黎州之西頗以善馬來市。宋朝太祖開寶六年黎州上言保塞蠻自大渡河來歸

夔州蠻○宋真宗祥符六年正月乙巳夔州陝外蠻

覃如綰等來貢二月辛未夔州蠻彭延進等來貢三月壬子夔州蠻人龔才晃等來

貢

撫水蠻

在宜州南有縣四曰撫水曰水京曰多達曰古勞○唐隸黔

州其酋皆蒙姓。宋真宗咸平四年十一月甲申蠻酋蒙殼等癸巳

蠻酋慶璋等十二月丙寅蠻酋蒙填等並輸兵器

夷州蠻

○宋太宗興國三年八月辛未任郎政等來貢

天賜州蠻

○宋真宗咸平五年正月壬子向永豐等來貢

朔南州蠻

○宋真宗景德四年七月乙丑龔允進等來貢

西南蠻

○宋真宗景德四年羅龐并都指揮使使顏士龍來貢丹砂

士龍種落遐阻未嘗入貢今始至

高溪州蠻

○宋真宗景德三年十二月己巳及壬辰並來貢

溪洞安遠

○宋真宗景德四年十二月甲申

南永寧濁水帶州蠻

○宋真宗祥符四年十二月甲申

田承曉等來貢

洛浦磨差洞蠻

○宋真宗祥符五年二月丁未蠻酋田仕彥等貢溪

布

高州蠻人

○宋真宗祥符六年正月丙申來貢

五溪蠻

○宋真宗祥符五年閏十月丁丑向貴升等及

磨差洛浦蠻

來貢方物

下溪州蠻

○宋仁宗天聖七年十月彭仕端仕義等來貢

黔州蠻

○宋仁宗天聖七年十一月乙卯舒延蠻來貢方物

綉州蠻

○宋仁宗天聖七年十一月丙子向光繡來貢

丹流眉蠻

○宋真宗咸平四年其主多須機遣使入貢。

拂林國

○宋神宗元豐四年貢方物

阿哩國

○宋哲宗元祐六年六月壬子進馬一百七十九匹詔戶部

遂匹估價於都數內增二分回賜

大石國

○宋高宗建炎張浚奏大石國進奉殊玉至熙州詔後悉不受量度支賜以答遠人之意

聖

安南國

○宋高宗紹興三十一年正月己卯進呈安南獻馴象上曰
蠻夷貢方物乃其職也但朕不欲以異獸方遠人兼使禽獸失其土
性可令帥臣詳與說諭如今後職貢不必以馴象入獻

韃靼國

本東方韃靼之別部音訛謂之韃靼

○宋朝太祖乾德四年

六月甲寅其國天王娘子及宰相達于無越來貢。太宗興國六年

八月來貢

續本朝內藏庫

宋朝太宗至道二年七月戊辰詔河北三十五州軍淮南二十一州軍山南東道十州京東應天府江南昇潤州綺並納內藏自餘納左藏真宗咸平六年詔內藏庫專副已下不得將庫管錢帛數供報及於外傳說犯者處斬六年上聞河北大總丙申出內府綾錦綺計直百八十萬命判官朱合符與轉運使處價出市糴粟實邊景德元年閏九月丁巳內出銀三十萬兩付河北轉運官貿易軍糧命國子博士張紳秘書丞陳綱大理評事秘閣校理劉筠經度之二年出內帑香藥貿易以入邊備祥符元年二月己酉三司奏借內藏庫錢三十萬貫又請出銀五萬兩付左藏庫給用五月丙子三司假內藏庫銀十萬兩二年三月丁酉三司貸內藏錢三十萬貫四月乙亥出內藏庫錢五百萬贍故宰相呂端居第賜其子蕃六月己丑三司假內藏庫錢二萬匹四年七月己丑三司假內藏庫絹三十萬匹五年正月己卯三司借內藏庫錢五十萬貫二月己未三司借內藏庫錢三十萬貫三月辛巳三司奏假內藏綾縠二萬四千疋四月壬戌三司假內藏庫錢三十萬貫六月己亥三司借內藏庫金二千兩癸丑出內藏庫錢百萬貫付三司以佐用度八月己酉三司借內藏庫絹二十萬十一月丙午宣政使提點內藏庫劉承珪上內藏庫湏知五卷詔褒之六年六月己巳三司借內藏庫銕三萬兩十月丁卯三司借內藏庫錢帛五十萬以備奉祀賞給七年二月戊辰三司假內藏庫錢五十萬貫四月庚申三司借內藏庫綾十五萬匹九月丁酉三司借內藏庫銀八十兩八年二月丁巳三司借內藏庫錢十五萬貫閏六月甲辰內藏庫言三司所借金帛其數至多舊借金即以饒歙等州及諸路所貢充還今諸處納到三司指揮直送左藏本庫不惟漸失封繕數目又不應劉承規勾當徃例詔三司規畫補填九年正月癸亥發內藏錢五十萬貫給三司壬申發內藏錢二十萬貫令三司預市紬

綃以濟京東西路之乏時青齊間綃直八百紬六百官給綃直一千

紬八百民極以為便自是紬綃之直日增後數歲遂皆倍於昔時云

六月乙酉權三司使馬元方言來春大禮於內藏庫假賞賜物準奉

紀例內有雜色匹帛內藏庫言咸平景德以來南郊悉不支撥憲他

時為例王旦曰初降御札令內藏與諸軍賞賜時元方言職司豈無

經度其賞賜且依舊借內藏金萬兩銀三十萬兩錢七十萬貫紬綃

一百萬匹餘則三司規畫上曰元方在三司謗議甚多何也旦等曰

元方盡心公家然性辨急而寡恩廉同僚異議多以醜言抵之此所

以賈怨也上曰副使判官中亦有英俊豈宜輕待耶居歲餘卒以苛

碎罷七月戊午三司假內藏錢四十萬貫十一月甲辰三司言諸州

欠商賈飛錢欲罷來年官市繕綃償之詔發內藏錢二十萬綃以給

其費天禧元年二月辛未三司假內藏庫錢五十萬貫九月上出三

司使馬元方折上歲出入財用數以示迪時仍歲旱蝗上憂不給

問何以濟迪曰祖宗初置內藏庫欲辦兵後西北故土及以支凶荒

今邊無他費陛下用此以佐國用則賦歛寬民不勞矣又時李迪言

仍歲旱蝗國用不給上曰當出內藏金帛借三司迪曰天下於財但

內外願賜三司何必曰借二年四月甲申三司假內藏銀九百兩戊

子三司假內藏錢二十萬貫七月丁卯三司借內藏錢五十萬貫甲

戌上作寬財利論賜士衡又出內藏錢二百萬貫以助經費士衡因

請刻聖製于本廳從之九月壬申三司假內藏銀十萬兩三年正月

甲子三司假內藏紬五百匹二月乙丑三司假內藏庫銀一十三

萬七月戊辰三司假借內藏錢帛二百四十五萬辛酉三司假內藏

錢五十萬貫綃十萬匹九月庚申三司假內藏金二千七百兩四年

四月丙戌出內藏錢七萬貫付京西路市軍糧閏十二月丁巳三司

假內藏綃萬三千七百四十四匹乾興元年三月丙戌出內藏庫銀二

十萬兩錢三十萬貫下諸路又出錢三十萬貫下三司許商人入便

於河北助給軍費

年六月乙酉出內藏庫縉錢二十萬下京西轉運司市糴軍儲九年八月丙戌出內藏庫綃六十萬下陝西河北河東市糴糧草戊戌又出內藏庫縉錢五十萬河北市糴草九月己巳詔出內藏庫綃六十萬下河北折糴軍儲自三等而上戶計其稅一石者糴五斗明道二年五月乙亥出內藏庫縉錢三十萬下三司助山陵十二月庚辰以京東飢出內藏庫綃二十萬下三司貸本路上供之數景祐元年正月甲申以淮南歲飢出內藏庫綃二十萬下三司代其歲輸三月乙酉出內藏庫綃五十萬下發轉司市糴軍儲四月丁未出內藏庫綃三十萬下河北轉運司市糴糧草五月壬申出內藏庫縉錢一百萬賜三司六月壬子出內藏庫縉錢五十萬下三司於潁河州縣置場糴麥先是京東旱麥不時種故也二年三月戊申出宜聖殿庫真珠付三司以助經費六月丁卯出內藏庫綃一百萬下三司市糴軍儲十八已巳出內藏庫縉錢七十萬左藏庫五十萬下河北轉運司市軍儲三年九月己丑出內藏庫縉錢五十萬下河北轉運司市糴邊儲四年正月甲午內藏庫主者言歲斥縉錢六十萬以助三司蓋始於天禧三年十二月時詔書切戒三司毋得復有假貸自明道二年記今才四年所借錢帛凡九百十七萬二千有餘請以天禧詔書申飭之奏可七月辛酉詔三司出銀千五萬兩下河北路綃十萬下河東助糴軍糧八月甲戌出內藏庫綃三十萬下河北路市糴軍儲十一年宰臣張士遜等言禁民戍邊久其家在京師者或不能自存既退上召內侍就殿隅索紙筆自指揮使而下條為數等復召士遜等示之曰朕不欲費三司特出內藏庫縉錢十萬以賜之二月出內藏庫縉錢八十萬付陝西市糴軍儲四月戊申出內藏庫縉錢十萬下陝西給軍須十二月癸未出內藏庫綃一百萬下三司助邊費慶曆二年六月甲戌出內藏庫銀一百萬兩納綃各一百萬匹下三司以給邊費易河北義勇兵弓弩箭材各一百萬三年十二月庚申孫甫切見景祐內庫祖宗積經費之餘以備非常之用近歲諸路物帛多入內庫中

外盡疑宮中之私費。唐置瓊林大盈二庫，率供燕侈，後陸贊請罷之。今日景福之積頗類唐之二庫。皇祐五年閏七月出內藏庫縉錢十萬紬，綃二十萬綿，十萬下河北助糴軍儲。至和元年八月癸巳出內藏庫錢二百萬縉，令入內供奉官勾當御藥院張茂則置司以市河北入中軍糧抄。先是上封者言：「河北入中軍糧京師給還，縉錢、紬商人以筭，請以未能得其抄。」每百千止鬻六十千。今若出內藏庫錢二百萬，縉量增價收市之歲，可得遺利五千萬。上以為然，故委茂則幹其事。既而知諫院范鎮言：「內藏庫榷貨務固是國家之物，豈有榷貨物固欲滯商人筭抄而令內藏庫乘賸以買之，與民爭利，傷體壞法？」莫此為甚。上諾，鎮言遂罷之。自皇祐二年改用見錢法，京師積錢少，不能支入中之費。常出內藏庫錢帛百萬以賜三司，久之入中者寢多，京師帑藏益乏。商人持券以俟動彌歲月，則至損其直以售於蓄貲之家。故言利者欲革之。朝廷既行即止，然自此並邊虛佑之不復起。二年十月乙未，內藏庫錢一百萬下河北市糴軍儲。十一

月丙辰出內藏庫綃三十萬下并州市糴軍儲。嘉祐元年十月丁卯以內藏庫銀十萬兩、綃二十萬匹、錢一十萬貫下河北市糴軍儲。三年九月乙巳出內藏庫綃十萬下河北轉運司糴軍儲。六年九月癸丑詔三司如聞河北秋稼甚登，其出內藏庫縉錢一百萬助糴軍儲七年。司馬公言：「祖宗所為置內藏者，以備飢饉兵革非常之費，非所以供陛下奉養賜予之具也。今內藏庫專以内臣掌之，不領於三司，其出納之多少，積蓄之虛實，簿書之是非，有司莫得而知也。」十月乙未詔天下常平倉多所移用，而不足以支凶年。其令內藏庫與三司共支縉錢一百萬下諸路助糴之。從右正言判司農寺王陶所請也。

英宗治平元年呂誨言：「內帑奉宸庫非有司關掌，外臣莫得知其登耗，亦聞禁中取用尚未節加之近倅因緣侵漁，以有限之積供無窮之費。」一日有事，何以支吾？三月丁酉詔三司用內藏庫錢三十萬貫修奉仁宗山陵，依乾興例蠲其半餘聽漸遠。

神宗熙寧

元年八月丙寅又詔河北馬軍並令立社依陝西河東路例

供備錢助買馬其先給官價錢並增之仍賣內庫珠千餘萬給其用

二年九月己丑詔諸路金銀並納左藏庫歲出金三萬兩銀十五萬

兩赴內藏庫為永額以上批內庫近年諸路所納金銀甚耗減蓋歲

無額故三司得以時有移易今若以諸路歲上供內庫金銀撥赴三

司朝廷酌中數令三司歲認送內庫封替如此為便故也其後復詔

依舊悉輸內藏庫仍歲具一帳中三司拘催內藏庫錢帛案三年正

月己酉御史程顥言聞京東轉運司去年因和買紬綃增歲抑配民

錢一千買綃一疋從弁稅綃每疋令輸錢一千五百文又配上等力

給粟豆錢詔轉運司具析以聞其後轉運司言散粟豆錢本以濟民

乏皆取民愿和買依舊並無抑配者乃詔以行常平新法其粟豆錢

自今勿給紬綃本錢撥綸北京封替息錢納內藏庫時王廣淵為轉

運使而顥言廣淵妄迎合朝廷意故致此五年三月戊申贊善大夫

戶部判官呂嘉問提舉在京市易務仍賜內藏庫錢一百萬緡為市

易

哲宗元祐

元年四月甲午時為御史上官均言先朝以金部右曹案主

行內藏受納寶貨支借拘催之事而奉宸內藏庫受納又隸太府寺

然按其所領不過關報寶貨之所入為數若干其不足若干為之拘

催歲入之數而已至於支用多少不得以轉質總領之者止官中數

十人昨來內藏斥賣遠年繢帛每疋止二三百文直止於十之一二

此不知貿易移用之弊臣以為宜令戶部太府寺於內藏諸庫得加

檢察而轉貿其歲久之貨而無棄敗之患四月蘇轍言西邊熙蘭等

州及安強米脂等察每年費用約三百六十七萬貫此錢大半出於

田役寬剝今苗役既罷故議者欲指坊場河渡錢以供其費致使衙

前須至並差鄉戶臣欲乞朝廷審切指揮戶部與詳定役法官會議

先計上件新置城寨歲貢幾何若干繫西川茶錢若干繫經制司錢

若干繫缺額禁軍錢若干繫內藏庫錢似此諸般窠名外各有不足

數目若干若比數目不至絕支臣乞計其所缺三年之數於元豐庫

及崇政殿庫錢內橋出訪聞此庫錢物山積本先帝所蓄以備邊事
今於此支用正合先帝本意若朝廷重借二庫錢物未欲專行支給
即乞將坊場河渡等錢除准算衙前等外量將剩數添助邊費所貴
養民備邊兩不失所紹聖二年二月辛巳董敦逸言河北人戶尚有
流移詔於內藏庫支錢十萬貫綸十萬匹分賜河北東西兩路提舉

司準備賑濟

高宗紹興二十六年六月癸巳時有詔免民間丁錢一年仍降御筆付
戶部官令買綸十二萬匹其直於內庫支復令內庫吏支見綸一十
二萬匹並充蠲放一年丁綸之數以惠細民三十一年八月上念出
戍官兵之勞時捐內帑錢七萬綸分犒其家三十二年四月己巳禮
部侍郎黃中言足食之計在於量入為出今天下財付半入內帑有
司莫能計其盈虛請悉以歸左藏且引唐楊炎告德宗語曰陛下仁
聖豈不能如德宗之為哉上善之

元豐庫大觀東西庫

徽宗政和四年七月己亥詔元豐大觀東西庫見拘催朝廷封倅錢切
並仰依條限催促拘收如違並依三催不到究治法

蔡絛史補云元豐庫大觀庫者皆謂之朝廷庫務國家沿襲唐五

代之制財用盡付三司有自來矣及熙寧初議改法因取財利之

柄寢歸宰相又元豐官制行既無三司而為戶部戶部歲入之額

凡四百餘萬緡是獨昔日三司之一事而已三司昔時所應入者

則或在朝廷既在朝廷此所以立元豐庫也况又當崇觀之間魯

公前後措置所入元豐庫若香藥犀象龜細物貨珠玉金帛不知

紀極矣元豐庫之制雖天子不可得而用倘有所用必有司具數

上之朝廷宰執聚議同上奏陳降聖旨下庫始可支撥况宰執議

論或有所不同者蓋日前行之甚嚴如此也大觀庫者其制同元

豐然大觀庫獨貯天下坑治所以終始未嘗動又不若元豐庫時

有支用也大觀庫既貯坑治金銀及細軟香藥等物大觀東西庫大
觀本一庫所以有謂之大觀東西庫者以又有大觀西庫故也大觀

西庫魯公以昔日所鑄當十錢之精緻斬之故以大觀西庫獨貯
錢而已大觀西庫當政和初榷貨物以客人入納甚盛務中積雖
物盈溢因申乞借大觀西庫收貯未幾大觀西庫復滿其稽考無
慮三四千萬緡此政和二年至四年之盛時也自五年後君臣寢
解體撓政者寢爭出日用亦寢多逮宣和元年二年之間大觀西
庫一空矣獨元貯當十錢如故而已然大觀東庫未嘗一有所出
雖端研亦三千餘枚張礪墨者世謂勝李廷珪亦無慮十萬斤百
物若是又元豐庫一日數內魯公偶見有佛牙真者十二枚因歎
息曰此亦何用貯積乎命左司詳加試驗得佛牙真者七枚因分
賜諸大禪寺斯可見其充仍靖康之初都邑既首遭攻圍因傾金
銀以賂虜皆出大中諸庫故甚盛及後再圍破而賂虜之入反不
及前至歛掠甚苦者雅不知帑藏先空前者金銀之盛悉自大觀
諸庫故也又虜人所須雖河北山東精綃動千餘萬匹亦出元豐
庫與內藏內藏物帛蓋少於元豐積雖則甚多世不知者罪魯公
破除國用此可太憲也

景祐庫

元豐元年十二月丁卯上每憚北虜僨強慨然有復幽燕之志即景祐
殿庫聚金銀為矢費是年始更庫名製詩以揭之曰五季失圖蠶犹
孔熾藝相造邦思有懲艾爰設內府基以摹士魯孫保之敢忘厥志
九三十三庫後積羨羸又揭以詩曰每度夕陽心委意遵遺業顧予
不武安何日成戎捷

元豐庫銘

元豐五年詔十二路發常平錢輸元豐庫張舜民小史云神宗於崇
政殿後設二十四庫以儲金帛親制庫銘其畧曰昔在前朝畿稅孔
熾余小子其承順志云云諸路分將置都作院河北設五都倉講
好高農良以此也然功未施而上賓是天未欲幽前之民歸中國乎
元豐庫或即崇政殿後庫當考實錄卷末云聚金帛內帑每庫以詩
一字目之詩凡三十二字又別置庫賦詩二十字但不計庫名何為

長編

續考貢獻

太祖建隆二年三月詔文武官及致仕官僧道自今長春節及其他慶賀不得輒有貢獻

長編

開寶

五年正月乙丑罷荆襄歲貢魚脂

長編

太宗淳化三年十月壬子府州觀察折御卿貢白花鷺上令對其使放之仍詔御卿勿復以珍禽奇獸來獻至道三年六月帝謂宰相曰諸州多以祥瑞之物來獻此甚無益但令據籍豐稔且得賢臣乃為瑞也辛丑詔天下勿獻珍禽奇獸及諸瑞物

真宗咸平五年十一月乙未有自眉州貢奉者上念其遐遠詔禁止之

六年十月丙子知萊州齊化基獻白鷺詔還

景德

三年五月辛酉撫

洲獻白鳥詔還之給其道里之費祥符二年五月丙辰韶州獻婆果後以道遠還之九年九月戊午申禁諸路貢瑞物時遼州獻白兔荆

門軍獻綠毛龜故也

景德

天聖元年七月己丑罷廣東獻進異花

長編

高宗曩者四川監司不能上體聖心休勢作威凌蔑州邑侵漁細民如重州之黃柑黃安之紫梨涪陵之荔枝遂寧之糖水合陽之細茗洋州之香棗古綿之耿梨狹科掊歛動以千數伏望陛下嚴賜戒敕

群書考索卷六十四